

26. august 2014

UKA 2014/95

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imaattoq saqqummiuppara:

Sanaartornermi atortussat imermik ajortinneqarsinnaasut, soorlu qisuit oqorsaatillu, sanaartornerup nalaani sialummut imermullu illersuuteqartalernissaat siunertaralugu maleruagassamik Naalakkersuisut suliaqarnissamut peqquneqarnissaannik Inatsisartut aaliangiiffigisassaattut siunnersuut.

(Inatsisartunut ilaasortaq Doris Jakobsen, Siumut)

Tungavilersuut:

Pisortat inissiaataanni attartortakkani nutaajunerusuni nutaannginnerusunilu, allanilu sanaarukkani pisoqaanerusuni ajornartorsiut annertoorujussuaq tassaavoq oquk. Oquup tuaviernerpaamik akiorniameqarnissaanut Naalakkersuisut siulii aningaasaliisarnikuupput, TV-kkut paasisitsiniaanernut, viceværtit pikkorissarnissaannut assigisaannullu atugassanik.

Oquk akiorniarlugu tamakkiisumik iliuseqassagaanni aningaasarpasuit atorneqartariaqarput, allaammi oqaatigineqarnikuuvoq 3 milliard koruunit oquup akiorneqarnissaannaanut atorfissaqartinneqartut.

Siusinnerusukkut aningaasaliissutit oquk pillugu inuiaqatigiit qaammaasaqarnerulernissaannut atorneqarnikuupput, siunissami attartortakkanik initaarniarnermi oquup ajornartoriutaavallaanera pissutigalugu utaqqinerup sivisuaallaalinnginnissaa ilaatigut siunertaralugu.

Isumaqarpungali pingaaruteqartoq alla tassaasoq, illuliortiternermi piumasaqaatit ullumikkornit sukanganerunissaat, tassa sanaartornerup nalaani oqorsaatit allallu atortussat sialummit masammillu ajortinneqannginnissaat siunertaralugu illersuuteqartarlernissaat, ilisimagatsigumi sanaartukkat nutaajugaluartulluunniit oqoqalertarnerat.

Assersuutissaqqissuuvoq Nuuk Centeri nutaajugaluvaqaluni oqummik eqqugaanera. Nuuk Centerip kangiata tungaa qanittumi iluarsaanneqarpoq, atulerneraniit ukiut marluinnaat qaangiuttut oqulersimaneranik malunnartorsineqarmat. Tamatumunnga sannarlunneq peqqutaasimasinnaavoq, kisianni aamma piqqutaasimasinnaavoq sanaartornerup nalaani oqorsaatit allallu atortussat silamiitinneqarsimanerat sialummut masammullu illersuuteqaratik.

Taamaammat tupigiinnagassaangilaq sanaartukkat ilaat suliluunniit atorneqaleratik oqoqalertarnerat. Tamanna assut ajuusaarnarpoq, tassami oquup sanaartukkani siaruaattarnera tamanut equinerluttarmat, sialummik ilaqutariit attartortakkani najugallit eqqorneqartarmata.

Taamatut tungavilersuuteqarlunga siunnersuutigaara sanaartornermi piumasaqaatit sukaterneqassasut, sapinngisamik siunissami oqummut illersorneqarnissarput siunertarlugu.

Siunnersuutip pisortanut aningaasaqarnikkut allaffissornikkullu kinguneqaatissai

Maleruagassamik suliaqarneq Namminersorlutik Oqartussanut allaffissornikkut aningaasartuutaanissaa naatsorsuutigineqarpoq, AC-tut atorfillip ukiup ilivitsup sulineranik naleqartumik, aningaasanngorlugu 500.000 kr.-nik naleqartussamik.

Maleruagassmik suliaqarneq siunissaq eqqarsaatigalugu pisortanut aningaasatigut sipaarutaanissaa naatsorsuutigineqarpoq, tassami inissiat nutaat oqummik eqqugaasarnerisa annikillinissaa naatsorsuutigineqarmat.

Siunnersuutip namminersorlutik inuussutissarsiortunut allaffissornikkut aningaasatigullu kinguneqaatissai

Namminersorlutik inuussutissarsiuteqartut sanaartugaasa aamma oqummik eqqugaasarnerisa annikillinissaa naatsorsuutigineqarmat maleruagassamik suliaqarneq aningaasatigut sipaarutaanissaa naatsorsuutigineqarportaaq.

Siunnersuutip innuttaasunut allaffissornikkut aningaasatigullu kinguneqaatissai

Inuttaasut nammineerlutik sanaartugaasa aamma oqummik eqqugaasarnerisa annikillinissaa naatsorsuutigineqarmat maleruagassamik suliaqarneq aningaasatigut sipaarutaanissaa naatsorsuutigineqarportaaq.